

Član 85.

Prečišćeni tekst općeg akta utvrđuje nadležno radno tijelo na osnovu zaključka Vijeća.

7. Zapisnik

Član 86.

O radu na sjednici Vijeća vodi se zapisnik.

Zapisnik sadrži osnovne podatke o radu na sjednici, a naročito o iznesenim prijedlozima, donesenim zaključcima i sadržaj vijećničkih pitanja.

U zapisnik se unosi rezultat glasanja o pojedinim pitanjima.

Vijećnik koji je na sjednici izdvojio mišljenje može tražiti da se bitni dijelovi njegove izjave unesu u zapisnik.

O sastavljanju zapisnika i čuvanju njegovog izvornika stara se sekretar Vijeća.

Član 87.

Svaki vijećnik, kao i svaki učesnik sjednice Vijeća, ima pravo da stavi primjedbe na zapisnik. O osnovanosti primjedbe odlučuje se bez rasprave.

Ako se primjedbe usvoje u zapisniku će se izvršiti odgovarajuće izmjene.

Zapisnik potpisuju predsjedavajući i sekretar Vijeća.

V. JAVNOST RADA

Član 88.

Rad Vijeća i njegovih radnih tijela je javan.

Građanima se obezbjeđuje slobodan pristup sjednicama Vijeća.

Član 89.

Javnost se može isključiti samo u slučaju predviđenim općim aktom u skladu sa Ustavom i zakonom.

Ostvarivanje načela javnosti ne može biti u suprotnosti sa interesima bezbjednosti i odbrane.

VI. PRELAZNE I ZAVRŠNE ODREDBE

Član 90.

Poslovnik Općinskog Vijeća Stari Grad Sarajevo - Novi prečišćeni tekst, stupa na snagu danom objavljivanja u "Službenim novinama Kantona Sarajevo".

Broj 02-49-51/13	Predsjednik
Februar 2013. godine	Komisije za propise i Statut
Sarajevo	Dr. sc. Šukrija Bakšić , s. r.

Na osnovu člana 3. Zakona o komunalnim taksama ("Službene novine Kantona Sarajevo", broj 14/06 - Prečišćeni tekst, 34/07, 2/08- Ispravka, 31/12 i 36/12 - Ispravka), člana 13. stav 2. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj 49/06 i 51/09) i na osnovu člana 10. tačka 9. i člana 25. tačka 2. Statuta Općine Stari Grad Sarajevo - Prečišćeni tekst ("Službene novine Kantona Sarajevo", broj 42/12), Općinsko vijeće Stari Grad Sarajevo, na sjednici održanoj dana 31.01.2013. godine, donijelo je

ODLUKU

O VISINI KOMUNALNIH TAKSA

I. OPĆE ODREDBE

Član 1.

(Predmet)

Ovom odlukom utvrđuje se visina komunalnih taksa (u daljem tekstu: takse) po predmetima i uslugama u skladu sa Zakonom o komunalnim taksama (u daljem tekstu Zakon) koje se plaćaju na području Općine Stari Grad Sarajevo (u daljem tekstu: Općina) i raspodjela prihoda ostvarenih od naplate taksa.

Član 2.

(Vrste taksa)

Takse se plaćaju za:

- svaku istaknutu firmu,
- iznajmljivanje nekretnina licima koja nisu državljani Bosne i Hercegovine,
- držanje, odnosno korištenje sredstava za igru (bilijar, automati, fliperi, video igre, pikado, aparati za posebne igre na sreću i sl.),
- držanje žive muzike u ugostiteljskim objektima,
- isticanje plakata i panoa na javnim mjestima,
- korištenje prostora za kampove (šatore, prikolice, automobile).

Član 3.

(Kriteriji za utvrđivanje takse za istaknutu firmu)

- (1) Za svaku istaknutu firmu, oznaku, obilježje ili natpis na poslovnim i drugim prostorijama, objektima i mjestima, kojim se označava da određeno pravno ili fizičko lice obavlja izvjesnu djelatnost ili zanimanje utvrđuje se godišnja taksa.
- (2) Visina takse iz prethodnog stava utvrđuje se prema vrsti djelatnosti i zoni u kojoj se nalazi poslovna ili druga prostorija, objekat i mjesto na kojem je istaknuta firma, oznaka, obilježje ili natpis.
- (3) Zone iz prethodnog stava se utvrđuju u granicama zona utvrđenih članovima 3, 5, 7 i 11 Odluke o rasporedu poslovnih djelatnostina području Općine Stari Grad Sarajevo ("Službene novine Kantona Sarajevo", broj 02/07 i 32/11).

Član 4.

(Zone)

Utvrđene zone po ulicama u skladu sa članom 3. stav (3) ove odluke su:

- a) EXTRA ZONA:
Ulica Ferhadija u dijelu koji se nalazi na području Općine Stari Grad Sarajevo.
- b) I ZONA:
Prva poslovna extra zona obuhvata sljedeće ulice: Zelenih beretki, Štromajerova, Čumurija, Salih H. Muvekita, Gazihusrevbegova, Sarači (cijelom dužinom), Bravadžiluk, Mula Mustafe Bašeskije, od ulice Logavina do ulice Niže banje, sa poprečnim ulicama: Jelića, Trg Fra Grge Martića, Pehlivanuša (desnom stranom do Muzičke škole, a lijevom stranom do ulice Petrakijina) i Gajev Trg. Poslovne prostorije koje se po popisanom krugu zgrade, navedenom u obrascu sa podatcima o poslovnom prostoru, vode u ulicama: Sime Milutinovića Sarajlije, Jaroslava Černija, Edhema Mulabdića i Koturovom, a kod kojih je ulaz u poslovni prostor iz ulica Zelenih beretki i M. M. Bašeskije, smatra se da se nalaze u extra poslovnoj zoni.
- c) II ZONA:
Druga poslovna zona obuhvata sljedeće ulice: Sime Milutinovića Sarajlije, Despića, Jankovića čikma, Vladislava Škarića, Hadžiristića, Velika avlija, Jaroslava Černija, Edhema Mulabdića, Koturova, te područje ograničeno ulicama od Drvenija mosta, Obala Kulina Bana do Mustajpašina Mejdana, M. M. Bašeskije do ulice Logavina, izuzev ulice Bravadžiluk, kao i ulice Safvet-bega Bašagića do ulice Patke i ulicu Sagrdžije do broja 17.
- d) III ZONA:
Treća poslovna zona obuhvata sljedeće ulice: Aščiluk, Telali, Brodac, Oprkanj, Kračule, te dijelove ulica koji nisu obuhvaćeni prethodnim članovima, a nalaze se na području Općine Stari Grad.

II. TARIFA KOMUNALNIH TAKSA

Član 5.

Tarifni broj 1.

- (1) Za svaku istaknutu firmu, oznaku, obilježje ili natpis na poslovnim i drugim prostorijama, objektima i mjestima, kojim se označava da određeno pravno ili fizičko lice obavlja izvjesnu djelatnost ili zanimanje, plaća se godišnja taksa po određenim djelatnostima i zonama kako slijedi:

SLUŽBENE NOVINE
KANTONA SARAJEVO

Broj 8 – Strana 8

Četvrtak, 28. februar 2013.

	DJELATNOSTI	EKSTRA	I	II	III
		ZONA	ZONA	ZONA	ZONA
		KM	KM	KM	KM
1.	distribucije nafte i naftnih derivata	5.000	4.960	4.920	4.880
2.	proizvodnje i prerade duhana	10.000	9.950	9.900	9.850
3.	proizvodnje alkoholnih pića i piva	10.000	9.950	9.900	9.850
4.	proizvodnje bezalkoholnih pića	2.000	1.970	1.940	1.910
5.	telekomunikacija (sjedište)	10.000	9.950	9.900	9.850
6.	telekomunikacija (izdvojene lokacije van sjedišta)	2.000	1.970	1.940	1.910
7.	bankarstva (sjedište)	10.000	9.950	9.900	9.850
8.	bankarstva (izdvojene lokacije izvan sjedišta, podružnice, filijale, ekspoziture)	5.000	4.960	4.920	4.880
9.	izdvojeni bankomati i šalteri banaka	1.000	970	940	910
10.	poštanskih usluga (sjedište)	5.000	4.960	4.920	4.880
11.	poštanskih usluga (izdvojene lokacije)	500	480	460	440
12.	poštanskih usluga (izdvojeni šalteri)	300	290	280	270
13.	brokerskih kuća i lizinga (sjedište)	5.000	4.960	4.920	4.880
14.	mikrokreditnih organizacija (sjedište)	3.000	2.970	2.940	2.910
15.	brokerskih kuća i lizinga (izdvojene lokacije izvan sjedišta)	1.000	970	940	910
16.	mikrokreditnih organizacija (izdvojene lokacije izvan sjedišta)	750	730	710	690
17.	osiguranja i reosiguranja i posredovanje u osiguranju i reosiguranju (sjedište)	10.000	9.950	9.900	9.850
18.	osiguranja i reosiguranja i posredovanje u osiguranju i reosiguranju (filijala-podružnica)	2.000	1.970	1.940	1.910
19.	osiguranja i reosiguranja i posredovanje u osiguranju i reosiguranju (izdvojeni šalteri)	500	480	460	440
20.	igara na sreću i to:				
	a. lutrija, loto, sportska prognoza, TV bingo (sjedište pravnog lica)	15.000	14.950	14.900	14.850
	a. lutrija, loto, sportska prognoza, TV bingo (svaka druga lokacija)	2.000	1.970	1.940	1.910
	a. kasino (sjedište)	12.000	11.950	11.900	11.850
	a. kasino (svaka druga lokacija)	2.000	1.970	1.940	1.910
	a. sportske kladionice (sjedište)	12.000	11.950	11.900	11.850
	a. sportske kladionice (svaka druga lokacija)	2.000	1.970	1.940	1.910
	a. tombola i bingo u zatvorenom prostoru	5.000	4.960	4.920	4.880
21.	aparati za samoposluživanje na stalnim lokacijama	300	290	280	270
22.	aparati za samoposluživanje na ostalim lokacijama	200	190	180	170
23.	proizvodnje i distribucije električne energije (sjedište)	1.500	1.470	1.440	1.410

24.	proizvodnje i distribucije električne energije (podružnice ili službe)	500	480	460	440
25.	proizvodnje električne energije u mini elektranama	200	190	180	170
26.	vanjske trgovine i trgovine na veliko	500	480	460	440
27.	tržni centri, hipermarketi i poslovni centri	5.000	4.960	4.920	4.880
28.	tržnice i pijace	1.500	1.470	1.440	1.410
29.	trgovine na malo koja se obavlja u kioscima	200	190	180	170
30.	trgovine na malo koja se obavlja u ostalim prodajnim mjestima	300	290	280	270
31.	Ugostiteljstva - hoteli	1.200	1.170	1.140	1.110
32.	Ugostiteljstva - moteli i pansioni	1.000	970	940	910
33.	Ugostiteljstva - prenoćišta	750	730	710	690
34.	Ugostiteljstva - ostali objekti	500	480	460	440
35.	putničke agencije i renta car agencije	750	730	710	690
36.	u prevozu robe motornim vozilima	100	90	80	70
37.	u prevozu putnika	300	290	280	270
38.	u prevozu putnika taxi automobilima	50	45	40	35
39.	auto kuće i auto saloni	2.000	1.970	1.940	1.910
40.	skladišta i otpadi	1.500	1.470	1.440	1.410
41.	u advokatskoj djelatnosti	1.000	970	940	910
42.	u notarskoj djelatnosti	2.000	1.970	1.940	1.910
43.	privatna zdravstvena zaštita	1.000	970	940	910
44.	revizorske kuće	750	730	710	690
45.	knjigovodstvene agencije	500	480	460	440
46.	agencije za posredovanje	1.000	970	940	910
47.	apoteke (sjedište)	1.000	970	940	910
48.	apoteke (izvan sjedišta)	300	290	280	270
49.	biljne apoteke (sjedište)	300	290	280	270
50.	biljne apoteke (izvan sjedišta)	200	190	180	170
51.	posredništvo u trgovini	750	730	710	690
52.	agencije za nekretnine	1.000	970	940	910
53.	iz oblasti građevinarstva	500	480	460	440
54.	samostalne obrtničke radnje	50	45	40	35
55.	domaća radinost i fижakeristi	50	45	40	35
56.	mjenjačnice	1.000	970	940	910
57.	samostalni poljoprivrednici (stočarstvo i pčelarstvo)	50	45	40	35
58.	iz oblasti ostalih nepomenutih djelatnosti	150	140	130	120

- (2) Ako se pod jednom firmom obavlja više djelatnosti za koje je propisana različita taksa, taksa se razrezuje i plaća za djelatnost za koju je propisana najviša taksa, izuzev djelatnosti koja se, zbog prirode djelatnosti, obavlja na izdvojenom lokalitetu.
- (3) Ako je za tekuću godinu plaćena taksa, a u toku godine se promijeni sjedište ili vlasnik firme, taksa se za tu godinu ne razrezuje.
- (4) Taksa za istaknutu firmu razrezuje se i plaća u godišnjem iznosu za istaknutu firmu zatečenu na dan 01. januar godine za koju se razrez vrši, srazmjerno periodu isticanja, a za istaknutu firmu koja se isticu u toku godine, u visini koja odgovara srazmjerno vremenu isticanja firme do kraja godine.

- (5) Obveznicima takse koji obavljaju djelatnost tradicionalnih i starih zanata-obrta koji su utvrđeni u Uredbi o zaštiti tradicionalnih i starih obrta ("Službene novine Federacije BiH" br. 66/09, 38/10 i 16/12) taksa se razrezuje u iznosu od 50%.

Tarifni broj 2.

- (1) Za iznajmljivanje nekretnina licima koja nisu državljani BiH za jedno lice plaća se dnevno taksa u iznosu od 1,5 KM.
(2) Naplatu takse iz prethodnog stava vrši lice, odnosno vlasnik nekretnine koja se izdaje.

Tarifni broj 3.

- (1) Za držanje, odnosno korištenje sredstava za igru, po jednom komadu, odnosno predmetu i aparatu plaća se godišnja taksa na:
- bilijar stolove, flipere, automate, pikado i dr. sredstva za igre gdje je dobitak isključivo u određenom broju igara 800 KM
- aparate koji donose novac 2.000 KM
(2) Pod aparatima koji donose novac podrazumijevaju se elektronski ili mehanički aparati koji tokom igre omogućuju igraču dobitak u novcu ili žetonima koji su naplativi u novcu.
(3) Taksa za držanje sredstava za igru razrezuje se i plaća unaprijed u godišnjem iznosu za sredstva za igru zatečenu na korištenju taksenog obveznika na dan 01. januara godine za koju se razrez vrši, srazmjerno periodu korištenja, odnosno periodu držanja, a za sredstva za igru koja su se počela koristiti, odnosno držati, u toku godine u visini koja odgovara srazmjerno vremenu od dana držanja do kraja godine.

Tarifni broj 4.

Za držanje žive muzike u ugostiteljskim objektima plaća se dnevno taksa u iznosu od 100 KM.

Tarifni broj 5.

Za isticanje plakata i panoa na javnim mjestima određenim za te namjene plaća se jednokratno taksa i to za:

- a) seriju do 100 komada 100 KM
b) seriju preko 100 komada 200 KM
c) postavljanje stalnih panoa i displeya po 1 m. 10 KM

Tarifni broj 6.

- (1) Za korištenje slobodnih površina za kampove (šatore, prikolice, automobile), deponije materijala i drugu privremenu upotrebu plaća se dnevno taksa za:
a) svaki šator. 2 KM
b) kamp prikolicu 1 KM
c) automobil 1 KM
(2) Naplatu takse iz prethodnog stava vrši lice koje upravlja slobodnim površinama.

Član 6.

Od plaćanja takse oslobođeni su:

1. Bosna i Hercegovina;
2. Federacija Bosne i Hercegovine, Kanton Sarajevo, općine sa područja Kantona Sarajevo i njihovi organi;
3. Centralna banka BiH;
4. Ustanove iz oblasti predškolskog obrazovanja, prosvjete, nauke, kulture i prirodne baštine, sporta, zdravstva, veterinarstva, socijalne zaštite, humanitarne i dobrotvorne organizacije iz osnovne djelatnosti;
5. Udruženja koja ne obavljaju privrednu djelatnost;
6. Vojni invalidi, izuzev tačke alineje 3. i 4. člana 2. ove Odluke;
7. Licima kojima je rješenjem nadležnog organa priznato svojstvo član porodice šehida i poginulih boraca, boraca, umrlih nestalih i zarobljenih boraca, RVI I civilne žrtve rata.

Pored oslobađanja iz prethodnog stava, obveznicima takse koji obavljaju stare tradicionalne zanate, koje su kao takve utvrđene Uredbom o izmjeni uredbe o zaštiti tradicionalnih i starih obrta - zanata koji su kao takvi utvrđeni odlukom Vlade Federacije BiH, umanjuje se taksa za 50%.

III. PLAĆANJE TAKSA I PRIHOD

Član 7.

(Plaćanje taksa i prihoda)

- (1) Takse se plaćaju u gotovom novcu.
- (2) Takse se uplaćuju na depozitni račun za prikupljanje javnih prihoda Općine Stari Grad Sarajevo kod ugovorene organizacije za obavljanje platnog prometa.
- (3) Prihodi ostvareni plaćanjem taksi propisanim ovom odlukom su prihodi Općine Stari Grad Sarajevo 85% i Grada Sarajeva 15%.

IV. ZAVRŠNE ODREDBE

Član 8.

(Prestanak važenja ranije odluke)

Stupanjem na snagu ove odluke prestaje da važi Odluka o komunalnim taksama ("Službene novine Kantona Sarajevo", br. 4/06 i 6/08).

Član 9.

(Stupanje na snagu)

Ova odluka stupa na snagu narednog dana od dana objavljivanja na Oglasnoj ploči Općine Stari Grad Sarajevo, a naknadno će se objaviti u "Službenim novinama Kantona Sarajevo".

Broj 02-49 -47/13
Januar 2013. godine
Sarajevo

Predsjedavajući
Općinskog vijeća
Stari Grad Sarajevo
Vedran Dodik, s. r.

Na osnovu člana 25. Statuta Općine Stari Grad Sarajevo - Prečišćeni tekst ("Službene novine Kantona Sarajevo", broj 42/12), te člana 21. i 36. Odluke o dodjeli u zakup poslovnih zgrada i poslovnih prostora Općine Stari Grad Sarajevo ("Službene novine Kantona Sarajevo", broj 3/11 - Prečišćeni tekst, 32/11 i 29/12), Općinsko vijeće Stari Grad Sarajevo, na sjednici održanoj 31. januara 2013. godine, donijelo je

ODLUKU

O DODJELI U ZAKUP POSLOVNOG PROSTORA U ULICI JELIĆA BROJ 3

1. Poslovni prostor u ulici Jelića broj 3 (površine 37 m², extra poslovna zona), dodjeljuje se u zakup Salkić Nedžad.
2. Korisnik poslovnog prostora iz tačke 1. ove Odluke je dužan plaćati mjesečnu zakupninu u iznosu od 20,00 KM po m², umanjenu 50%.
3. Općinski Načelnik će, sa korisnikom iz tačke 1. ove Odluke, zaključiti ugovor o zakupu poslovnog prostora. Ugovor se zaključuje na period od godinu dana sa mogućnošću produženja ukoliko zakupac bude redovno izmirivao svoje obaveze.
4. Ova Odluka stupa na snagu sa danom donošenja i bit će objavljena u "Službenim novinama Kantona Sarajevo".

Broj 02-49-50/13
Januara 2013. godine
Sarajevo

Predsjedavajući
Općinskog vijeća
Stari Grad Sarajevo
Vedran Dodik, s. r.

Na osnovu člana 25. Statuta Općine Stari Grad Sarajevo - Prečišćeni tekst ("Službene novine Kantona Sarajevo", broj 42/12), te člana 21. i 36. Odluke o dodjeli u zakup poslovnih zgrada i poslovnih prostora Općine Stari Grad Sarajevo ("Službene novine Kantona Sarajevo" broj 3/11 - Prečišćeni tekst, 32/11 i 29/12), Općinsko vijeće Stari Grad Sarajevo, na sjednici održanoj 31. januara 2013. godine, donijelo je